

AKASHVANI AIZAWL

REGIONAL NEWS BULLETIN

HEADLINES (MORNING)

1. Vawiin chawhma dar 10 leh chanve ah Assembly Budget session ni 15-na chu chhonzawm leh ani dawn a, Minister pahnih Prof Lalnilawma leh leh Pu K. Sapdanga te hna chanpuala demand sawihoa pass tum ani ang.
2. Rajya Sabha MP Pu K.Vanlalvena chuan Aizawl khawpui Traffic Jam tih reh nan Flyover bridge siamsak turin sawrkar laipui a ngen.
3. Supply Department-in Mizorama Gas Distributor-te chu PMUY hnuai gas connection diltute tha taka buaipui turin a chah.
4. Assam sawrkar chuan Orunodoi 3.0 hnuaih hmeichhia nuai 40 te bank account ah cheng 9000 theuh a thun

<><><>

ASSEMBLY

Vawiin chawhma dar 10 leh chanve ah Assembly Budget session ni 15-na chu chhonzawm leh ani dawn a, Minister pahnih Prof Lalnilawma leh leh Pu K. Sapdanga te hna chanpuala demand sawihoa pass tum ani ang.

Vawiina Assembly thutkhawmah hian thutkhawm atanga darkar khat chu zawhna leh chhanna atan hun hman ani dawn a, hemi zawh hian Minister Prof Lalnilawma department enkawl 3 - Public Health Engineering, Disaster Management & Rehabilitation leh Rural Development & Administration tana sum ruahman cheng vbch 1825, nuai 4 leh sing 5 sang 1 bakah Minister Pu K. Sapdanga department enkawl 3 - Personnel & Administrative Reforms, Home Department leh Urban Development & Poverty Alleviation Department-a sum ruahman cheng vbch 1297 nuai 3 sing 2 sang 8 te chu sawiho bakah pass tum ani dawn a ni.

(Desk)

<><><>

SESSION-OMBUDSMAN

Nimina Assembly session-ah Minister Pu K. Sapdanga putluh ‘Motion for Reconsideration - The Mizoram Local Bodies Ombudsman Bill, 2025’ chu sawiho loa pass a ni.

Pu K Sapdanga chuan, he bill hi nikum August ni 28 khan Assembly Session-ah pass a ni a, Governor pawmpui tura thawn a nih hnuah Governor chuan he bill chungchangah hian rawtna 2 a siam thu leh rawtna a siamte chu belhin House-ah ngaihtuah nawn tura put luh a nih tak thu a sawi a; Leader of Opposition Pu Lalchhandama Ralte-in a thlawp thu a sawi hnuah lungrual taka pass a ni.

Nikum August ni 28-a pass he bill-ah hian Governor chuan rawtna 2 a siam a, chungte chu Clause 3-ah Establishment & Appointment of Ombudsman atan hian independent appointment mechanism siam ni se, appointment siam turin Chief Minister, Speaker leh Leader of Opposition te ni se, a ti a; Clause 5-a Removal of Ombudsman chungchangah pawh rawtna siamin, Ombudsman hi ban a nih dawn chuan House member-ten an hre ngei tur a ni a, House member thu zawng zawng hmun 5-a thena hmun 3-in an remtih chauhin ban ni se, tihte a ni.

(Johnny CORR)

<><><>

RS MP

Rajya Sabha MP Pu K.Vanlalvena chuan Aizawl khawpui Traffic Jam tih reh nan Flyover bridge siamsak turin sawrkar laipui a ngen.

Sawrkar laipui Parliament Budget Session neih mekah Rajya Sabha MP chuan Aizawl khawpui chu tlangrama awm a nih avangin kawngpui neih sa te chu a zau tha tawk lo tih sawiin hei hian traffic jam a siam nasat thu leh sawrkar office kal te, zirlai leh zirtirtu ten a hun takah office leh school an thlen hman loh thin thu te a sawi a. Hei hian mipui nunphung a tikhaihlak ni mai loin, hmasawwnna a tihbahlah tih a sawi bawk.

Sawrkar laipui hnuai Housing and Urban Ministry chuan India ram khawpui tamtakah Flyover bridges an siam tawh a. State hausa zawk khawpuahte Union Urban Ministry-in flyover bridge an siamsak theih chuan State rethei zawk Mizoram khawpui Aizawlah pawh flyover bridge a siamsak ngei chu a beisei thu MP hian house a hrilh a ni.

(Desk)

<><><>

PMUY

Supply Department-in Mizorama Gas Distributor-te chu PMUY hnuaiia gas connection diltute tha taka buaipui turin a chah.

Supply Department chuan, Sorkar laipuiin kahwsak harsaten a thlawna gas Conention an neih theihna tura a duan PMUY connection pek chhuah hun chu tun thla 31 thleng chauh hawn a nih tawh thu an sawi a. Hetiang a nih mek lai hian Mizorama Gas Distributor thenkhat zingah MHUG connection diltute tan harsatna an siam sak tih hriat a ni a, hei hi dan bawhchhiatna a nih avangin PMUY connection diltu anmahni-a online-a dilna theh lut thei lo te chu LPG Distributor-in an buaipui vek tur a ni a. PMUY connection diltu awm lai ngeiin Gas Distributor ten an buaipui nghal tur a ni tih an sawi.

Supply Department chuan, e-KYC document endik, biometric leh dilna kimchang chu a diltu awm lai ngeiin an tifel tur a ni a, receipt an pe nghal ngei tur a ni a. PMUY connection diltute chu a tul tawpah lo chuan kal nawn ngaiin an siam tur a ni lo tih sawiin, Gas Distributor zingah thupek ngai pawimawh lova mipuite harsatna siam an awm a nih chuan danin a phal chinah khauh taka action lak a ni dawn tih an sawi.

PMUY connection dilna hi District thuneitute leh a kaihnhawih Department hotuten uluk takin a enfiah dawn a, thil dik lo leh felhleh a awm a nih chuan Department-a hriattir tur a ni.

(Desk)

<><><>

INTNL WOMENS DAY

Nimin khan Mizoram hmun hrang hrangah Khawvel pum huap Hmeichhiate Ni- International Women’s Day pualin hun hman a ni a,

Kolasib-ah International Women’s Day 2026 pualin Women and Child Development, Kolasib bultumin Mahila Jan SunWai (Free Legal Public Hearing) buatsaih a ni a. He hunah hian Kolasib District huamchhunga hmeichhe dinhmun chawi kanga, vantlang tana thawhhlawk leh midangte tanpui thin te hnenah chawimawina hlan an ni a. Hmeichhe chungah hleihlenna tawkte tan counselling leh Free Legal Public hearing neih nghal a ni.

Serchhip Kawnpui VC Hall ah hmeichhia hleihlenna tuartu te tan Free Public Hearing - Mahila Jan Sunwai neih a ni a. Mizoram State Women Commission Chairperson Pi C Zodinpuui chuan hmeichhe hleihlenna tuar ten Aizawl an pan kher ngai loin District tinah DC kaihhruaina hnuaiiah Commission member te, Legal Services Authority, CDPO, DPO, DCPO, police department te nen tanghoin Mahila Jan Sunwai an neih thu a sawi a.

Serchhip District ah hian Hmeichhe pangate complaint dawn a ni a, an case hi hmun leh hmunah chin fel nghal theih a nih loh avangin police, DLSA leh OSC lamah refer an ni. Complaint tam zawk te hi hmeichhiate dikna chanvo rahbeh sakna te, chhawmdawlina dawn tur ang dawnglo te, ro khawm chungchanga buaina te leh child custody chungchang te an ni.

Mamit-ah pawh Mahila Jan Sunwai hman a ni a, Champhai Circuit House Conference Hall-ah pawh International Women's Day pualin Mizoram State Commission For Women (MSCW) leh Champhai hotute bultumin hmeichhiate chawikanna leh lawmna hun, Mahila Jan Sunwai hman a ni a, Lawngtlai District leh Lairam Isua Krista Baptist Kohhran Hmeichhe Pawl tangkawp buatsaihin 'International Women's Day ' hman a ni a, Saitualah pawh hmeichhe harsatna tawkte a thlawna thubuai remsakna hun- ‘Mahila Jan Sunwai’ (Free Legal Public Hearing’ neih a ni.

(PTCs)

<><><>

JAL ARPAN DIWAS

Hnahthial District chhung khaw pahnih, Darzo-ah leh Tuipui South-a Tui inhlanchhawna hun - Jal Arpan Diwas chu nimin khan hman a ni a, He hunah hian khuain tui hnianghnar taka an neih theih lawmna hun hman niin JJM Scheme hmalakna a an tui lakna PHED in an siamsak chu inhlanchhawna hun hman a ni bawk a ni.

Thuneitute sawi danin Jal Apran Diwas chu mipuiten neitu thinglung an put a, tui hlutna chang an hriat theih nana hman an ni a. Mipui kalkhawmte chu tui dahkhawmna nei tha tur leh tui hna humhalhna kawnga hma la zel a, thing leh mau te humhalh tha turin an chah bawk.

(Amy Hnahthial PTC)

<><><>

AIR NEWS ON SOCIAL MEDIA

Chanchnthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchnthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchnthar puan leh a ni ang.

<><><>

ASSAM

Assam sawrkar chuan Orunodoi 3.0 hnuaih hmeichhia nuai 40 te bank account ah cheng 9000 theuh a thun. Guwahati-ah he programme pual hian inkhawm buatsaih niin Chief Minister Himanta Biswa Sarma chuan a tel pui a. He programme neih rual hian Gaon Panchayat level bakah Bodoland Territorial Council chhungahte he hun hi lo zawm ve a ni a. State sawrkar chuan he scheme hnuaiiah hian cheng vaibelchhe 3600 semchhuah anih thu sawiin nikhata sum an sem tam ber tum anih thu a tarlang a ni.

(Newsonair)

<><><>

ESSENTIAL COMMODITIES ACT

Sawrkar laipui chuan ramchhungah mipui hman khawp energy a awm thu leh chiaina tur a awm loh thu a sawi. Sawrkar chuan thuchhuah siamin mitinin an mamawh ang gas an hmuh theih nan theihtawp chhuah a ni a ti a. Union Petroleum and Natural Gas Minister Hardeep Singh Puri chuan rampawn atanga tuialhthei leh gas lakluhna chu kawng hrang hrang atangin tluang taka kalpui chhonzawm reng a nih thu social media lamah a tarlang a ni. Hetihlai hian Oil company te chuan LPG an siamechhuah zat an tipung chho mek bawk a ni.

Puan tawh a ngin West Asia buaina sosang zel karah sawrkar laipui chuan mipui nitin mamawhah harsatna a awm loh nan Essential Commodities Act 1955 hman anih thu a puang a. He dan hmang hian eirawngbawlna gas siamechhuah leh hralhchhuahna te vil a ni ang a, mipuiten inzat tlanga an chan tur an chan theuh theih nan he dan hi khauh taka hman a ni ang. Union Petroleum and Natural Gas Ministry thuchhuah danin natural gas chu sector hrang hrangah semzai a ni a, Domestic Piped Natural Gas Supply, lirtheia hmang tur Compressed Natural Gas, LPG leh Pipeline Compressor bakah mamawhna dangahte sem zai a ni.

BJP MP Tejasvi Surya chuan sawrkarin energy lama mipuiten harsatna an tawh loh nan hma a lak thu a sawi a. Parliament tuala chanchinbumite a kawmnaah Pu Surya chuan Union Petroleum and Natural Gas minister Hardeep Singh Puri chuan mimal takin nitin a vil reng a ti a. Sawrkarin ramchhunga energy mamawh a awm reng theih chu a pawimawh ber tih a sawi a ni.

(Newsonair)

<><><>

UNION CABINET

Union Cabinet chuan Jal Jeevan Mission chu kum 2028 December thlenga kalpui turin a pawtsei. New Delhia chanchinbumite hmaah he thu hi sawiin Union Information and Broadcasting Minister Ashwini Vaishnaw chuan Prime Minister Narendra Modia kaihhruaia Union Cabinet thukhawm chuan he thutlukna hi a siam a ti a. Union Ministry of Jal Shakti chuan Jal Jeevan Mission chu a nihphung enthat leh a ruhrel siam atanga a taka thawh lama kalpui an remti a ti a.

JJM atan hian cheng vaibelchhe nuai 8 sing 6 sang 9 a ruahman tih sawiin sawrkar laipuiin cheng vaibelchhe nuai 3 sing 5 leh sang 9 a tum dawn a ni.

Hei bakah hian Union Cabinet thurel zingah Tamil Nadu-a Madurai Airport chu International Airport-a leh remtih a ni bawk.

(Newsonair)

<><><>